

# kontuola...

KONTUOLA, Idolaz elkarte, ANTZUOLA. Kazetaria: Marijo Deogracias Maketazioa: Iñaki Iturbe Publizitatea: Uxue Zabaleta Erredakzio kontseilua: Miren Anduaga, Gotzon Iparragirre, Patxi Kortabarría, Jone Larrañaga Testuen zuzenketak: Mariipi Laskurain, Lierni Legorburu Telefonoa eta faxa: 943 76 65 08, Herri ikastetxea.

Antzuolako hamabostekaria, 51. zenbakia. 2000ko urtarrilaren 28a.

## Debagoieneko telebista proiektua

Idolazek Goiena komunikazio zerbitzua bultzatu nahi du


Joan zen abenduaren 21ean, Debagoieneko zortzi herrietako euskara elkartek Goiena proiektuaren egitasmoa bultzatzea adostu zuten. Egitasmoak bailarako telebista bat sortzea dauka lehenengo helburu bezala. Idolaz euskara elkarteak ere sinatu zuten egitasmoa.

**A**ntzuola, Bergara, Arrasate, Aretxabaleta, Eskoriatza, Oñati, Elgeta, Gatzaga eta Aramaioko herrietan ikusiko litzatekeen telebista proiektua bultzatu nahian ari dira bailarako euskara elkarteak, Idolaz barne. Proiektu hau, Goiena komunikazio zerbitzuak asmoaren barne kokatzen da. Hurbileko informazioa lantzea du asmo nagusitzat proiektu honek eta horretarako euskara elkarteak bazkide nagusitzat izango litzatekeen kooperatiba bat sortzea aurreikusten du. Kooperatiba hau bitariko kooperatiba izango litzateke, hau da, euskara elkarteak izango lirateke bazkide nagusienak, baina bazkide laguntzaileak ere izango litzuzke.

Idolaz euskara elkarteak bere egunean Kontuola sortzeari eutsi zion bezala, gaur egun bailaran sortu nahi den asmo honi ere baietza esan nahi lioke.

### AZALPENAK HERRITARREI

Idolazek egitasmo honi hasierako baietza eman dion arren, oraindik ere ez die bere bazkideei inolako azalpenik eman. Hori dela eta, Goiena proiektua aurkezteko bilera bat egin nahi du bazkide eta bazkide ez direnekin. Otsailaren lehenean, martitzenean, izango litzateke aurkezpen hori, Udaletxean, 20:00etan. Hantxe Goienaren nondik norakoak zein-



Debagoieneko sei euskara elkartek sinatu zuten Goienaren egitasmoa.

tzuk diren azaldu nahi dizkie Idolazek herritarrei eta horretarako Mikel Irizar, Goienaren bultzatzaileetako bat, etorriko da. Izan ere, Goiena martxan jarri arte, asko dira landu eta zehaztu beharreko gauzak eta hori dela eta, astero Debagoieneko euskara elkarteetako ordezkariak bilerak egiten dituzte Bergarako Kultur Etxean.

Udaletxean egingo den bilera horretan, martxan jarri nahi den telebistaren inguruko azalpenak emateaz gain, programazio posible bat ere aurkeztuko da.

### HERRITARREN BEHARRA

Udalean aurkeztu da egitasmoa eta Kultura batzordeak gaia mahai gainean dauka, baina herritarren iritzia zein den jakin nahi du. Hori dela eta, bilerarako deia egingo zaie udal ordezkariari, bai eta herriko kultur taldeetako ordezkariari ere. ■



### ARRASATE PRESSEKO ZUZENDARI BERRIA

Marijo Deogracias Kontuolako arduraduna, Arrasate Press Arrasateko astekariko zuzendari berria da iazko urte amaieratik. Arko-n urteak daramatza lanean, eta lehen Beñardo Kortabarría bezala, antzuolar bat dugu orain ere astekariaren gidari.

# Erakusketa eta botikak batzea



*Haurrek erakusketan parte hartzeko aukera izango dute.*

**Anelkar**, Antzuolako Elkartasun Taldeak elkartasun erakusketa bat antolatu du otsailaren 1etik 11ra bitartean. Helburua beste herrialdeetara eta beste

kultura batzuetara hurbiltzea da. Batik bat haurrei zuzendutako erakusketa denez, Herriko Eskolako neska-mutikoak erakusketara joango dira talde antola-

tuetan eta monitoreak izango dituzte. Erakusketa aktiboa da, hau da, parte hartzea bultzatzen du eta haurrek herrialde horietan duten bizimodua hobeto uler dezaten nahi dute antolatzaileek.

## BOTIKAK BATZEA

Bestalde, Anelkarrek bat egin du Arrasateko San Viator ikastolako elkartasun taldearekin, botikak biltzeko kanpaina egiteko. Batzen diren sendagaiak Costa de Marfilera bidaliko dira.

Laguntza eskaini nahi duenak, bi leku ditu aukeran: ikasleek Herriko Eskolara eraman ditzakete sendagaiak, otsailaren lehenetik 12ra bitartean. Oserantzean farmazian ere jasoko dituzte.

Aspirinak, antibiotikoak, hipertentsioa zaintzeko sendagaiak, bitaminak eta bestelako sendagaiak jasoko dituzte Anelkar elkarteko kideek.

Antolatzaileek adierazi dutenez "eskatzen den bakarra epea pasatutako sendagaiak ez ematea da".

# Erreka "atzetik eta itxita" nahi da

**Eusko Jaurlaritzak** proposatzen duenez, herriko plazatik pasatzen den erreka ezin da itxita joan. Legeak erreka zabalik behar dutela agintzen du. Udalak, ordea, lege guztietan bezala, salbuespenak egoten direla eta, honetan ere horiek zeintzuk diren zehazteko eskatu dio Eusko Jaurlaritzari. Udalaren ustez, "Antzuolaren kasuan, plazaren atzetik egin nahi den ubidea itxita joan daiteke eta Surpe parean erreka dagoen bezala laga daiteke". Eusko Jaurlaritzaren proiektuaren arabera, Surpe parean errekarari tuberia handi bat jartzea aurreikusten da eta plazaren ostetik egin nahi duen gainezka-bidea zabalik izatea. Joan den urtarrilaren 13an, udalbatzarrean,

aho batez adostu zuten udal ordezkari guztiek proiektu hori arautzen duen legea aztertzea eta Antzuolaren kasuan salbuespena egitea. Izan ere, Zarautzen ere antzerako zerbait egin zen, askoz ere luzeagoa zen erreka batekin.

Udalbatzarrean adostutakoaren arabera "Deskarga ibaia desbideratu nahi deneko lurtean egindako azterlan geoteknikoaren emaitzetan agerian geratu zen proiektu hori burutzeak arriskua dakarrela, lurjausiak oso erraz



*"Herriko herri" irratsaioan erreka aritu ziren.*

sortuko lirakeelako. Gainera, kasu horretan, urak eragin zuzena izango luke plazako etxebizitzetako sukalde, gela eta komunitetan".

**LARREA**

**TABERNA**

Kalebarren 17  
ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

**AITZ-GARBI**



taberna  
jatetxea

Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51

# Jai arrakastatsua



Antiguokoek kantuan dakitela erakutsi zuten.

Urtarrilaren 15ean egin zen Antzuolarron Independetzia Eguna arrakastatsua izan zen oso. 240 lagun baino gehiago elkartu zen bazkarian eta bazkalostean era guztietako ikuskizunak egon ziren: herriko koadrilak, Antigu auzo-koak, oriotarrak eta mexikarrak tartean.

Ikuskizunik arrakastatsuenak, 17 lagunek egindako Ful Monti showa.



Flamencoak Marixu abestia kantatzen, bertso berezian.



Mexikon zela dantzan egiten den ikasteko aukera ere egon zen.

Okerrak zuzendu eta Antzuolako euskeran emon

1. Ebagixa egin naiz eskuan.

1. ....

2. Ibiltzen joan gara baserrira.

2. ....

Izen-abizenak eta telefonua: .....

.....

**idolaz bertako hizkeria**  
ANTZUOLA

Aurreko Kontzuolako erantzun zuzenak:

1. Solfeua hasi bittartian irtengo gara kanpora.

2. Zure praken modukuak dauzkat.

**Sarituak: Txomin Alberdi eta Josu Agirre**

Eskuman erantzunak idatzi ostian, moztu eta laga Antzuolako udal liburutegixan, **DATORREN EGUAKITZA BAINO LEHEN.**

Erantzun zuzenen artian 5.000 pezeta eta "Antzuolako hizkera" liburua ere bat zozketatuko ditugu hamabostero.

**GOROSTI**  
**Taberna**

☎ 943 76 62 96  
Zurrategi plaza ANTZUOLA



**Euskal**  
**sukaldaritza**

**Eguneko**  
**menua**

Kalebarren 7, ANTZUOLA Tf. 943 78 71 12



IGELTSEROTZA

Jose Luis Zabalo

Birgaitzeak • Fatxadak


Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

Juan Kruz Mujika, Beterixo baserrikoa

# “Aguazilla etortzen zan txepleruekin”

Santa Ageda egunean Txangalako jaiak ospatzen dira, Galartza auzoan. Orain dela 20 bat urte elizako “kandeleruak harrapau zittuen. Oin dala 10 urte, ostera, egurrian etaratako Santa Anaren irudixa eta gero olixuakin ibiltzen zan lanparia”. Beterixoko Juan Kruz Mujikak esandakoak dira, horrek eta baia garai bateko jaiak nolakoak ziren.



**H**

olako jaiak izaten ziren?

Egunian bertan zelebratzen zan Santa Ageda eguna, hillan bostian. Auzoko lagun kuadrillak juntatzen giñan. Ni akordatzen naizela 36. urtia izengo zan. Aurreko egunian Santa Ageda eskia izeten zan eta afarixa egitten zeben. Hurrengo egunian, mezia lehenengo, don Tomas Iñarra Uzarragako abadiakin eta aguazilla (Juan Jose Urriategi lehenengo, gero Santos bere semia eta gero Eladio) etortzen zan txepleruekin. Aiuntamentua be etortzen zan eta etxian bazkaltzen zeban.

Ttanbolintteruak be etortzen zien eta baita soiñujoliak be. Bazkaita, abadia, sakristaua eta aguazilla etortzen zien eta ttanbolintteruak (Santi Montto eta Pedro) bazkalostian, honek Uzarragan bazkaltzen zeben eta.

Erromerixia Santa Agedan izeten zan eta etxian afaldutakuan errondia (oin gaupasia dana) egitten zan Beteri-

xoko bandixuan. Don Isidroren denporetan, oin dala 50 bat urte, gastau zan errondia.

Orduan erretirua plazan goizago egitten zan, bidekua jo eta gero, baiña hemen beranduago izeten zan.

Egun horretan barkillerua be etortzen zan, Bergatik.

**Meza nagusi bakarra egiten zen?**

Urtian barruan bost izeten zien: Santa Agedakua, udaberrikan kofradixakua, nobienbrian San Martin egunian hazixak bedeinkatzen zien eta San Antonate egunian, enuruan 17xan, ganauen mezia eta bosgarrena: konfuria egitten zaneakua, mozorruak eta akabatzeke. Santa Ageda egunian opillak eta kandelak bedeinkatzen zien.


**Zer bazkaltzen zenuten?**

Angulak eta oillaskua. Postria tartia izeten zan.

**Zenbat diru izaten zenuten jai egun horretarako?**

Duro bat edo, eta horrekin pasau. Gauzia merke zeguan orduan. Txikito batek txakur haundixa balio zeban. Orduan diruak asko balio zeban, baiña gauzak gutxi.

**Auzokoak bakarrik elkartzen zineten?**



Txangalakuak eta Uzarragakuak. Lizarrakuekin ez giñan ondo konpontzen eta. 20 baserri giñan orduan, baiña propietarixuak bi bakarrik izengo zien, gerra pasau eta denboraldia arte. Txangala izengo zan Antzuolako auzorik pobriena. Danak errenteruek giñan. Orduan auzua milloi bat pezetan erosi zeikien. Oin etxako horrenbeste igertzen, baiña orduan asko igertzen zan. ■

Igor eta Txomin



Margoak orokorrean

ANTZUOLA

609 157 131

BERGARA

609 150 164

■ ■ ■  
 “Hogei baserri giñan orduan, baiña propietarixuak bi bakarrik izengo zien. Txangala izengo zan Antzuolako auzorik pobriena”  
 ■ ■ ■



MUEBLES IGEA

Sukalderako eta bainurako altzariak  
 Altzari rustikoetan espezializatuak

Zurrategi plaza 4, behea ANTZUOLA Tf. eta faxa 943 78 71 80

**LEKU-BERRI MERENDEROA**

Janariak eta edariak

Tf. 943 76 60 94